



Dorthie Siegstads translokationstale

Taler

Dorthie Siegstad
Rektor på GUX Aasiaat

Dato

13. juni 2024

Sted

GUX Aasiaat

Ilinniarnertuunngortitsinermi rektorip oqalugiaataa 13.6.2024

Asasakka ilinniarnertuunngortut. Nalliuttorsiuutiginiarlusi maani GUX Aasianni sulisut qanigisasilu katersuuppugut.

Ulloq pingaartorsiorfipput kiisami nallerpoq ilissinnut ukiuni kingullerni marlunni pingasunilupiareersarfigisimasarsi. Atuagarsornikkut inuttullu inerisimanerulersimavusi.

Qularutigingilluinnarpara ukiuni taakkunani ilissi immissinnut inuttut ilinniarlusilu ilinniaqatigiissimanersi annertussammat, unamminartoqartarluni nuannersorpassuarnik misigiffiusarsimassalluni.

Ilissi ukioq 2024 ilinniarnertuunngortut naatsumik oqaatigissungussi, qiimasuuvusi, ilakkuminartutmisileraasullu.

Ilami ilaanni misileraajuarnersi qamuuna qungujunnarsinnaasarpoq. Atungassarititaasunutmaninguunnersi annertuvoq. Ilaatingullu oqaaseqarlusilu isummersuuteqartarnissarsimaqaasisarpara – ilakkuminaqaasili qungujorujussuarternersi qiimanersilu maqaasinassaaq.

Meeqqat atuarfianiik allaniilluunniit maanga nuukkassi pisut sungiusimasasi qimallugit ilassinnut sakkortusimavoq, amerlasuut atuarunnaarput ilaalu unamminartorsiortarlutik – atuartuutitta taamatut inissisimasarnerat uatsinnut sulisunut ineriartortitsittuarnissamut aqqutaasarpoq.

Uangummi ilinniarnertuunngorniarmimmi inuusuttut atungaannut naleqqussartuutuuvugut inuiaqatigiinnilu piumasaaqatitut, uppernassuseq ineriartortitsinerlu malinnaatitassaraavut sullissinerput

pittanngorsartuartussaangatsigu.

Ingerlaqqinnissassinni nalaatassasi ilaativut oqittuinnaassanngillat,
akisussaaffimilli tiguisinnaaneq pingingaanni pisunullu
naleqqussarsinnaangaanni inuuneq sumiluunniit tulluussarnikkut
ingerlanneqarsinnaavoq.

**Oqarsinnaavungalu naleqqussaqaatingiissimanerput sulisuusuvut ilissilu
inuit ataasiakkaat inissisimannersi aallaavingalugu annertusimavoq.**

Kamaanneqartaqaagut, kisianni tamanna paasinnilluta atortarparput, ilami
ukiukittunnguullusi angajoqqaasi qimallugit aallarnissinni saaffissatut
qaninnerpaatut saaffingisaratsigut. Tamanna takussutissaasarpoq
qaninnerpaatut isingilersimangatsigut nuannaarutissinnik, pakatsissutissainnik
kamassasinnik annissuiffingisarpatsivut.

Inuusuttuaqqat pupartut misileraanerit takusarparput, ilami allaat
puingunaattut ilangivaat 18-t ataallugit kollegiaanni 20-mi najunga qarallarmata
isersimaartarfimmi allattuisoqarsimanagera “meeqqanut parnaarussivik”
qamuuna qungujunnarpoq, taamatut allattoqarsimanagera, kisianni taamatut
allattup takusinnaalernikuuaa suli meeraangamik nakkutingineqartariaqarlutik.

Inuiaqatigiinni meerartavut akisussaaffingaavut, uangalu erseqqissartuarpara
maani atuarfimmi meeqqanut suminginnaasumik iliuuseqassanngittuvut,
atuarfimmi kollegianilu.

.Ilaqarput eqqiluisaarnissamik suli sungiussisimanngittunik,
ingasinnaanngittunik, kisiannitamanna ajornannginnerutilersimavarsi
piumaffingineqarnissigut
arsaartunngikkaluarlusilukaammattorneqartarnissivut ilikkarsimavasi.

Saliisarneq ilaanut unamminarsimaqaaq, allaat angajoqqaanik akulerussortoqarluni, kisianni ilinniarnertuunngorniarmimmi inatsit malikkaanni pisussaaffingatsigu atuartitsineq kisiatpinnangu tunngaviusumik inuttut ilisimasassasi aamma pingiliutsissallugit.

Uangummi ilinniaqqinnissamut piareersarfiinnaavugut – taamaattumillu ilinniakkamikaallartitsinissassinni nammineersinnaalerneruniarnissinnut aqcutissiuussisussaavugutilinniaqqiffissassinnilu nammineersinnaanerulernissarsi anguniarlugu kaammattuisussaalluta.

Pisut amerlaqaat, ilasi nipilersullaqqittorjuupput, filmiullaqqillutik timersullaqqittorujussullutillu, inuttullu pikkoriffisi siammaseqaat maaniinnissinnilu ataasiakkaarlusi killiffisi apeqqutaallutikassinginngitsunik kaammattorneqartariaqartarsimavusi ajussangaluaqaarmi inuttut ataasiinnartutsullinneqaralarussi.

Aamma taamaappoq atuangarsornikkut pinginnaanisi – taakkualu tassaapput ataasiakkaarlusiatuartinneqarnissinnut aallaaviusartut ilaat.

Qujavungalu atuarfitta nittarsaalluarsimaneranut peqataasarassi, ilisseqanngippammi atuarfipputanersaaqarani ingerlasinnaanngimmat – manna iluatsillugu qujaffingaassi.

(Pisut ilaminngui eqqaassangukkat -ajornerumaat minillugit)

Niumik naphisoqarpoq, Kangerlussuarmi sommerskolertoqarpoq, imerujussuarneriup kinguneranikiniminut pædagoginiik majuussisoqartariaqalerpoq, 18-t inorlugit ukiulimmik baajaatilimmikarsarinnittoqarpoq, eftertitsisusi naammattoorneqartarpusi, siniffissinni inuusaliorkuniinnareersimasuusaartoqartarpoq, angerlaassilluni naammattoortittoqartarpoq, brandørikkutqimaanerpassuit il.il ilami eqqaasassa amerlaqaat taakkuali inuunissinni eqqaamassassanut ilaapputilaalu katarsimallusigit – eqqaangaangassingillu quianartunngoreersimallutik, naak pisup nalaanikangusuusaarlusilu angajoqqaassinnut angoqqungikkaluaqingisi.

Taamakquali inuusuttunik sullissinermi nalinginnaasuupput aammalu ilinniarnertuunngorniarmimminingiutut killiliisariaqarnermi sulisut atuartuniik pittaaneruallaartanngillat, kisianni inuppassuitataatsimoorfiinni ataqpeqatinginneq tamanillu inissaqartitsineq pisussaamma tamanutajunngittussaq anguniarlugu killiliisariaqartarpunga tamannalu aamma pineqartunut tamanulluavatangiisaannut pittaanerususaaq anguniarlugu aalajangiisariaqarneq pisarpoq.

Nuannareqqusaarlunimi sulisoqaneq ajormat, sulinermilu malitassaqarmat aalajangersakkalluaallaaviusussaapput – tamannali paasingaangassiuk siuariaateqarnermi takusinnaallugu sinnerlusinuannaarneq pisarpoq.

Tamassi maani naammassitinnissarsi anguniangaasimavoq, kisianni ilarpassuaqarpuksillilerneqarlutillu atuarunnaartitaasimasut aamma namminneerlutik atuarunnaarsimasut.

Kinaangaluartorluunniik inuttut siuariaangat sinnerlusi nuannaarnartarpoq, ilami isingilerlusi atuangarsornikkut siuariaatimi inuttullu ineriartornermi annertusimapput.

Inuusuttuaraallusi aallartikkassi, inuusuttuunermut ikaarsaarsimallus ilasilu aammainersimasuunermut ikaarsaarsimapput.

Tamannaavoq aamma eqqarsaatit misingisimasat itinerulernerannik kinguneqartarpoq, takussutissaasorlu misileraavallaarunnaarluni inersimasutut inuunissamik toqqaanermut ilaasoq.

Tamanna ilaanut qullerpassuarnik kinguneqartarpoq allaat angajoqqaanut kamammikpilersitsisarlu, kisianni nakkaannarasi inissitsiterinissivut, tusarnaarneqarnissivutoqaloqatinginnittarnissivut sapiillusi aqqusaakkassinnut ilaapput.

N klasset inersimasuungaluarlutik aamma ajornerunngillat

inuunertikilusilersoreernikuungaluarlugu atualeramik nalilersuillutillu
pissutsiminnik nalilersuinikooqaatunamminartorsiornikuupput
aapariinnerliornerit katinnerillu ilanngullugit aqqusaartornikuuuat.

Taamaakkaluartorli ataatsimoorussaraarsi malitassat ataatsit maani malikkassigit
anguniagarluataasiummat tassa ilinniarnertuunngorpusi.

Ullumikkut tamanna pillugu persuarsiuatingaatsigit ilami ullut ataasiakkaarlugit
inuusariaqatarnersiunamminartut inuttut atuagarsornikkullu
amerlasimaqimmata angusasi pillugitnuannaartussaangatta.

Ullumikkut nunatta avannaani ilinniarnertuunngortut pillugit
katersuunnitsinni eqqaamassuarput ilinniagaqarneq suli annertuumik
qaffarsartariaqaratsigu; inuiaat eqqarsartaatsitsinni pingaarutilittut
inississuarput angajoqqaajungutta inuiaqataanguttaluunniit.

Ilissi ilinniarnertuunngortut inuiaqatigiinni suliassasi amerlaqaat,
nuannaarutigissangaluarapara ilasi maani ilinniagaqareersimallutik maani
ilinniartitsinermi suliaqalersinnaappata, ilissimi timikkut tarnikkullu
misiginikuuarsi inuiaqatigiit ilinniartitaanerput suli kulturitsinnut
tulluussartariaqartoq. Ilissiuvusilu inuusaatsitsinnik ilisimasaqarnerpaat -
akisussaaffik tigusiuk allanngueqataallusilu.

Sunngortoqarsinnaavorluunnit upperingaanni, kisianni namminiusseq
pigingaanni tamanna aatsaat anguneqarsinnaavoq. Namminiussutsissinnik
arsarneqarsinnaanngilasi, ukiunili maaniiffissinni pisariaqartarsimavoq
killiliillunilu oqaaqqissaarisarnissaq.

Inuiaqatigiit inuusuttortatsinnut piumasavut annertupput soorlu
ilinniagaqaritsi, suligitsi inuiaqatigiit piumassat malillugu inooqataagitsi
allarpasuillu piumasaasut.

Maani atuartuunersi inuunissinnut ilaalluinnarpoq, tassami ukiut taakkua inuusuttuunermi pisut eqqaamajuangassat ilagissammatigit, kingumut qiviartuartartussaavasi kammalaatisi allaat ilaquttatut qaningisatut isigilersimasasi maani naapissimangassigit.

Maani sulisut eqqaamasassasi ilangaat naak ilaatigut killiliisarnerat ilissinnut puffaammernarlunilu isumaqatiginaannanngikkaluartoq - taamaattorli qularinngilara kingumut qiviarnissinni naleqartilerumaarisi, taakkuummata inuunissinni saaffissaallutillu oqilisaasimasut.

Angajoqqaat allallu qaningisaasut ilissinnuttaaq qujajumavunga tatinginnillusi meeqqasi maaniitsissimangassigit. Meeqqasi illoqarfeqatinginngikkaluarlugu tapersortuartarassigit tamatsinnut oqilisaataasarsimavoq annertoq. Ullormi pingaartorsiorfimmi ilanngullusi pilluaqquasi.

Ulloq manna ilinniarnertuunngortunut angajoqqaat, qaningisaasut sulisullu ataatsimoorussaraarput ullumikkut ilinniarnertuunngortut anguniangaqarneranni kaammattuisimanerput killiliisarsimanerpullu.

Taamatut oqaaseqarlunga ullumikkut ullorsiorluaqquasi siunissamilu ajunngitsunik tamanik kissappassi.

Naggataatingullu nikuilluta ilinniarnertuunngortut pingasoriarluta hurrarutigissavavut kissaatingaara.

Kilde

Manuskript tilsendt af taler

Kildetype

Digitalt manuskript

Tags

Translokations-/dimissionstale

URI

<https://www.dansketaler.dk/tale/dorthie-siegstads-translokationstale>